



إبراهيم بصلة

كورونا .. وباء العصر

أشعار بالعامية المصرية

الطبعة الأولى ديسمبر 2020

بطاقة الكتاب	
عنوان المؤلف	كورونا وباء العصر
المؤلف	إبراهيم بصلة
التصنيف	أشعار بالعامية المصرية
رقم الإيداع	22332 - 2020
الترقيم الدولى	978-977-6835-51-1
رقم الإصدار	676 الطبعة الأولى 2020
عدد الصفحات	78 صفحة
الإخراج الفنى	مؤسسة النيل والفرات
جميع حقوق الطبع محفوظة للمؤلف	
رخصة مزاولة مهنة: 58365 - سجل نقاري: 13242 / 2017 - بطاقة ضريبية: 01-35-572 عضو عامل باتحاد الناشرين المصريين رقم 941 لسنة 2018 هاتف: 01011256943 - 01116202218 - 01202541192 - تطبيقكس: 020554372901 alnilwaalfourat@gmail.com nagyegy200064@gmail.com alnilwaalfourat@gmail.com alnilwaalfourat@gmail.com (الطبعة الأولى: ٢٠٢٠ - محافظة الشرقية - العاشر من رمضان - مجاورة 13 - أمام ستر الد3 - شارع 304)	
لجنة التحكيم	
د محمد فتحي محمد فوزى كاظم العطشان سليمة القزيرى عبد المجيد بطالى رضا أبو الغيط د. همدى عيسى الطيرة إيهاب همام	

مسابقة
فارس الإبداع العربى

الدورة 1

مسابقة سنوية برعاية
مؤسسة النيل والفرات
وجريدة صدى المستقبل

رئيس مجلس إدارة مؤسسة النيل والفرات
ناجى عبد المنعم

رئيس مجلس إدارة منظمة صدى المستقبل
د. إبراهيم عبد الحميد

المشرف العام
أشرف بدير

المدير العام
د. أمانى إبراهيم

المدير الفنى
سميرة محمودى

رئيس لجنة التحكيم
عبد العزيز بندق

المثالية الجامحة



بقلم

شيخ المثقفين العرب

د. إبراهيم عبد الحميد

رئيس منظمة صدق المستقبل

المبدع لا ينتمى



بقلم

الشاعر الناقد

ناجى عبد المنعم

رئيس مؤسسة النيل والفرات

(المبدع لا ينتمى .. وإنما يُنتمى إليه) انطلقت مسابقة فارس الإبداع العربى من هذه القاعدة لتقدم مبدعا محررا من القيود التقليدية التى تعرقل إبداعاته فنجحت واحتلت المركز الأول عربيا والرابع عشر عالميا لتقدم مبدعا لا إبداعا يستطيع أن يرسم خارطة وطنه بفكر حر دون أية ضغوط تعوقه ، أو رقابة تنال منه ليحقق لقبا خالصا يستحقه عن جدارة هو فارس الإبداع العربى فى نسخته الأولى 2020 مليون مبارك

الكتابة هى المثالية الجامحة التى ولدت من رحم المعاناة الذاتية للمبدع تحوى القيم التى تدور جذورها فى فلك عقله وهى وريثته الشرعية لكيونته الأدمية .. تجمع تأثيرات الحياة الإنسانية وترصد عقلانية نظراته لظواهر الحياة المتنوعة ... فالمبدع الحقيقى يغوص فى أعماق ذاته باحثاً عن إجابة على أسئلة لم تطرح يفهم نشوء وجوده وارهاسات الحياة الاولى وغير ذلك تصبح الكتابة مجرد حفنه كلمات لثرثرة فارغة .

فوز مستحق لبدا كبير



بقلم الأديب المستشار

أشرف بدير

المشرف العام وأمين عام المهرجانات

لم تكن مسابقة فارس الإبداع العربي التي أقامتها مؤسسة النيل والفرات للطبع والنشر والتوزيع بمصر ومنظمة صدى المستقبل الإعلامية الليبية ، لم تكن مجرد مسابقة أدبية عادية، بل كانت مسابقة أدبية عربية دولية، تنافس فيها أطراف من المبدعين العرب، كل في مجال إبداعه، لذا دنت أعداد المشاركين من الألفي مشارك، وانطبقت معايير المسابقة وشروطها على ما يقرب من سبعمائة مبدع، ثم أفرزت لجان التحكيم من فاز بالمراكز الأولى حتى الثالثة بما يقرب من الخمسين مبدعا في كافة مجالات المسابقة، فضلا عن كونهم من القامات الأدبية العربية السامقة، ذلك ما أهل المسابقة لأن تكون الأولى عربيا وضمن العشر مسابقات دولية في مجال الأدب العربي..لذا ، عندما يفوز أي عمل في تلك المسابقة فإن هذا يؤكد جدارته، حيث مر بعدة مراحل من مراحل المسابقة، فقد مر على لجان المراجعة، ثم على لجان التحكيم، ثم على اللجنة العليا للمسابقة.. من هنا كان هذا العمل الذي بين أيدينا (الفائز بلقب فارس الإبداع العربي) مثارا للفخر للقائمين على المسابقة قبل أن يكون

كذلك بالنسبة لمؤلفه، فهنيئا لكم إخواننا وأخواتنا أساتذتنا المبدعين لهذا الفوز المستحق، ومزيذا من النجاح والتقدم..

من أهم المسابقات فى الوطن العربى

بقلم الشاعر الناقد



رضا أبو الغيث

عضو لجنة التحكيم

مسابقة فارس الإبداع من أهم وأكبر المسابقات فى الوطن العربى وكان لي شرف تحكيم فرع شعر العامية ولاحظت أن معظم من اشتركوا فى هذه المسابقة من الصعب جدا أن تحدد من بينهم الفائزين لأن معظم الأعمال المقدمة للمسابقة كانت على مستوى عالى جدا ولا بد أن يفوز البعض لذلك زاد المجهود المبذول لتقييم أعمال معظمها يتسم بالجوده العالیه وبالفعل تم ترشيح مجموعة من الأعمال تستحق المراكز الأولى وينطبق عليها المعايير التى وضعتها لتقييم الأعمال المقدمه ومنها جودة المفردات العامية والوزن والصورة الشعرية ووحدۃ بناء القصيدة والهدف منها والخيال والأسلوب نظم القصيدة فتحياتى لكل أصحاب الأعمال الفائزة فى هذه المسابقة العملاقة والتى تقوم عليها مؤسسة تبحث دائما وأبدا عن الابداع الحقيقى وهى مؤسسة النيل والفرات للنشر والتوزيع ومنظمة صدى المستقبل اللببية كما أتقدم بخالص التهنية متمنيا لهم دوام التوفيق والنجاح وأقول لمن لم يحالفه الحظ ليس معنى أن عملك لم يفز أنه غير جيد ولكنها أشياء بسيطة جدا ميزت بين الأعمال الفائزة

وغيرها ومن السهل تصحيحها وتداركها والاشتراك بذات الأعمال في مسابقات قادمه وتحقيق الفوز فتمنياتى لكم جميعا بالنجاح والتفوق.

الإهداء

الى كل من علمني حرفا
- الى أسرتي

- الى وروح والدي عليهما رحمة الله ورضوانه

- الى روح أستاذي الفاضل السيد حنجل عليه رحمة الله
ورضوانه الذي تمنى لي يوما أن أكون أديبا , وآمل أن
أكون قد حققت أمنيته

الشاعر

ابراهيم ابراهيم بصله

إوعى تخاف

اوعى تخاف وتكون مهموم
الموت له عنده يوم معلوم
راح تتخبي منه فين
اصحي وفوق بقا م النوم

خلي ايمانك هو ه طريقك
عقلك واعى يبقي صديقك
فيروس عادي مبير عبش

لو اهتمته يبقي صريعك

ايدي ف ايدك يلا نحمي الروح
والي اسمہ کرونا يبعد ويروح
حبة عقل وحبة فطنة
ميسب فينا ياصاحبي اي جروح

انسي الحزن ف وقت الأزمة
لجل الصحة ملوش لازمة
الحب الصادق مش محتاج
وندوس ع الفيروس دا بالجزمة

وسط الزحمة اوعي تكون
يبعد عنك ابن كرون
الحمه وياالبيض سويها
الفيروس يفضل مسجون

ايدك علي طول طهرها
وان مره عطست متشيرها
من وسط الزحمة لازم تبعد
وابقي جوه المنديل بعترها

امشي شوية ساعة الصبح
خليك هادي من غير ربح
ريقك دايمًا خليه يجري
وادعي ربك منه الصفح

خد م الشمس شوية فايده
الصحة ليها دايمًا رايدة
نعمة ربك للانسان
خلي مناعتك منها زائدة

خللي الجسم ينام بكفاية
والاكل الصحي خليه غاية
وان جالك يوم سخنيه وبرد
اطمن قبل ماتبقي حكاية

والفيروس لويوم اتجبر
واتقالك اقعد لما ندبر
ونشوف له حلول ونسيطر
اوعي ف يوم تتكبر

ابعد نفسك ع اللي اتصاب
مش بالقرب تبقوا احباب
لجل الصحة مايبقي عتاب

زي ماقدرنا علي بتاع الطيور
حيعدي كرونا راخر زيه ويغور
طول ما الايد في الايد
وحياة ربي ويوم العبور

2020/3/17

غرك علمك

غرك علمك اكثر واكثر

خلاك

تفهم انك اشطر

فيروس

تافه ربك خلقه

بيقولك

مين هوه الأكبر

2020/3/20

مساجد مصر

مساجد مصر حبك
هوہ اللی مالیہا
متحرمناش
یارب م الصلا فیہا
مین غیرک اتجلی
علی أراضیہا
بحبك وبعطفك انت اللی حامیہا

2020/3/21

لما قال المؤذن

لما قال المؤذن
صلوا ضهر في البيوت
والصمت
حل ع الجوامع والسكوت
القلب انفطر قبل العيون
يارب اغفر
واجعلها ازمة وتفوت

2020/3/27

لولسه بتستهتر

لولسه بتستهتر بالفيروس
شوف العالم

إزاي منحوس
جابههم كلك تحت الأرض
مش نافع
وياه قوه ولا فلوس

2020/3/31

ساعد نفسك

ساعد نفسك لجل ولادك

ساعد نفسك

واحم بلادك

خليك قاعد جوه البيت

تحمي كيانك قبل جيرانك

2020/3/28

يا اولاد مصر

يا اولاد مصر الغالية
يا احرار
يا اولاد مصر الباقية
يا ابرار
الاسبوع دا أخطر اسبوع
لازم كلنا نلزم فيه الدار

2020/3/29

حط الروح

حط الروح

ويا ولادك جوه العين

متخالط حد

متعرف خالط مين

تعرف بالسوق

الناس خالط مين

خليها تعدي احسن تبكي سنين

2020/3/30

سيدنا محمد والحظر

الكون كله بحبك يشهد
واللي يصلي عليك يسعد
والشيطان عنه يبعد
والرب للشفاعة بيوعد
يا ابن عبد الله يا محمد
يا أمين

ياللي سابق علومهم
من سنين
لما ينزل الوباء أرض
مين طبق الحظر
قبلك مين
رغم السنين اللي عدت
والعلوم اللي بالدنيا جدت
وحيك اللي سابق
واللي زمان قلته ثبت

واحنا في القرن الواحد والعشرين

نفذنا اللي قلته

ياسيد المرسلين

ماحد يطلع أويدخل

خللوا الوبا يفضل مستكين

نحمي الناس من نشره

لما ماحدث يعبر جسره

كله ف موطنه ثابت
لجل مانوصل عسره
يا ابن آدم يامسكين
الاسلام دنيا ودين
ويا وحي الله حتروح فين

2020/3/31

لو بتحب

لو بتحب ربك
والرسول اللي جالك
احم روحك ويا عيالك
والأيام دي
خليك في البيت
احسن تبكي
ع الغالي وتقول ياريت
2020/4/4

ان كنا ضلينا

انا كنا ضلينا وخابت
فينا الظنون
والدنيا خادتنا وتوهتنا
في المجون
ومشيننا ف سكة الغواية والرعون
متحرمش اللي اهدوا
م الصلا في بيوتك
واهدي العاصي
وابعد من طريقنا الفتون
مالناش غيرك
يرحمنا من ريب المنون
2020/4/6

ارحم نفسك

ارحم نفسك م المخاطر
واوعي
تعمل فيها شاطر
وتضيع نفسك وتخاطر
مات النهارده خمستاشر
الفيرس
في الشارع ناظر

2020/4/9

شهدا الواجب

شهدا الواجب
ع العين والراس
الجيش الأبيض أبو الأحساس
اللي بيقتني
عمره لجل نعيش
واللي يقول غير كدا أنجاس

2020/4/12

أم الثوب الأبيض

هوه دا جزا اللي يطبطب

ويداوي

احكي وقول ياعمنا

الراوي

ع الخيبة والواكسة اللي حاطط

ياما لسه نشوف ونعرف بلاوي

علمونا واحنا صغيرين

لما نموت نندفن في الطين
وبنكرم ميتنا بدفنه
ما احنا منه مخلوقين
وبياخدونا معاهم للقبور
ويعلمونا
ازاي نزور
لجل ما يوم ننساهم
لما الزمن عليهم يدور

ياموا الثوب الأبيض
متأسفين
لسه الخونة وسطينا عايشين
ناح الحمام من فعلهم
قال ايه م الفيروس خايفين
وف شرع مين اللي اتعمل
لسه عندهم حبة أمل
ازاي يهدموا الوطن

ويرجعوا الي انامل
الي زيك
يشال ع الراس
م الجيش الأبيض أبو الأحساس
طول عمرك
تدي الأمل وتطبطبي
الرحمة ف قلبك ع الناس

كام واحد مره صحاكي
م النوم
خايف ع الأهل وبيرعش مهموم
وف عز البرد صحيتي
مرضيتي
تاخدي الكشف المعلوم
قولولنا طب تندفن فين
جبتوا الغل دا كله منين

ولا دا شرع مين
يا اموا الثوب الأبيض
متأسفين
أصل عقولهم يا غالية متسلمين
بينفذوا من غير تفكير
ما بيعرفوا حرمة ولا دين

التاريخ

بالخير راح يذكرك

انت الملاك الأبيض يشرك

بنت شبرا البهو الطبية

أما همه

يشربوا من طين البرك

راح يفضل اسمك

ياسونيا علامة

م اللي عاشوا بانسانية وبأمانة

واللي وقفوا ضد دفنك

مبينفع وياهم لاعتاب ولا ملامة

2020/4/15

شم النسيم

أستحلفك بالله العظيم

خالك في البيت سليم

اوعي تقول

شم لنسيم

وتروح للموت بايديك

الفيروس

في الزحمة مقيم

2020/4/18

وتعيشي يا مصر

وتعيشي يا مصر وتدي

ولكل أزمة تسدي

وخزائلك

تفضل عمرانه

ولمجدك أبدا ماتهدي

واللي مايعرفش نعيد ونقوله

عن يوسف

واخواته ومره

والأرض اللي عليها اتربع

من خيرك
اذا العالم كله
ربك
قالها ف قرآنه
عن يوسف واخوانه
ولسيدنا
موسي في زمانه
انت العالم وانت أمانه
أرض الغوث سماكي نوح
والتاريخ
يحكي ويبوح

ياموا البلاد و غوث العباد

طول عمرک

بداوي جروح

واغوثاه بعثها أمير

بتقول

الأمر خطير

من عنك لما لحده

خيرك كان بيسير

طول عمرک يامصر

كريمة

مهما يقولوا ولاد اللئيمة
ويا الأغبيا يتآمروا
في الآخر
انت العظيمة
بدم الشهدا وقسوة فراقهم
بحقهم
اللي بيجي قبل عزاءهم
خير أجناد الأرض
بجنة ربنا مين يسبقهم
وآدينا آهو شايفين
في القرن
الواحد والعشرين

رغم كورونا واللي مسويه
انت اللي بتدي الصين
من غير منه
أو حتي كشوف
والعالم كله أهو بيشوف
وايطاليا
وأمریکا ودينا
خيرك يا صابره معروف

يسلم اللي قال
لولادك ودوا
خللوا الأغبيا يتلموا ويتهدوا
شدوا الرحال للمحتاج
شدوا
اسلامنا بيقولنا ادوا

2020/4/22

يا اولاد بلدنا

يا اولاد بلدنا الفيروس

منتهاش

نقضي عليه لو مستهترناش

الأعداد والأموات بتزيد

خليك

في البيت والزحمة بلاش

2020/4/29

القرار

القرار من غير متابعه

مالهوش لازمة

حبر علي ورق

محلش أزمة

لجل كورونا مفيش أسواق

الناس عارفاه

وبتضربه ميت جازمة

2020/4/30

اتعلموا الأدب

اتعلموا ويا ربكوا الأدب
مين اللي قال
ان ابتلاؤه غضب
هوه الايمان م القلوب اتشطب

جد الأنبياء ربه ابتلاه
يدبح
الحبيب اللي اتناه
لاتوجع ولاقال ضناه
م الجنة

ربك جاب اللي فداه

ربك له حكمه م الفتن

والمؤمن

يثبت في المحن

أيوب لما ابتلاه الاله

صابره بايمانه اتشحن

وف عهد الخليفة ابن الخطاب

مين اللي م الوباء اتصاب

ابن الجراح وابن سفيان

ومعاهم من خير الأصحاب

وكتير ماتوا م الناس

خداهم طاعون عمواس

كان الصبر وطلب الأجر

وانشال القضاء ع الراس

واسألوا

الزبير بن العوام

من خيرة أصحاب خير الأنام

ع اللي راحوا م الصحاب

م البلام ماحد مل أولام

م القسوة اتسمي جارف

يامؤمن مانت عارف

ربك

بالدعا بيزيل الغمة

وانت يا عاصي ربك شايف

اوعي تخلي ذنبك لايف

وان كان صابنا
الغـرور
وبعلمنا قلنا حـدور
وانا ملكنا الدنيا
سما وبحـور
الفيروس التافه جاي بيقول
مين اللي بيدبر الأمور
2020/5/7

تسليم البحث

فضها سيرة ربك حيسلم
ظظ في كرونا
والبحث يتسلم
اوعى تقول ع الأعداد بتزيد
لما يموتلك حد راح تتعلم

2020/5/10

حتفوقوا إمته

حتفوقوا امته

يابشر

وتقدروا معني الخطر

باستهترنا

وصلنا لايه

زاد الفيروس وانتشر

2020/5/14

مش همك

مش همك غير اتصاب كام

وف أي مكان

بيعيش وينام

رايح جاي ع السوق

وبتحشر

نفسك في الزحام

2020/5/16

في العيد

كل عمرك
وانت بمليون سلامه
وانت نازل لجل اتعيد
البس الكمامة
وانسي الحزن
لجل الصحة مافي ملامه
تحمي نفسك
وتبعد عن سكة الندامة
في الفرح تعيش علي طول
وكرونا
ميسيب عندك علامة
2020/5/23

وقت الشدة

من غير الخونة
وأهل الشر الأنجاس
جوه قلوبنا
وع العين والراس
يا أطبا الجيش الأبيض
وف وقت الشدة
بيان الفالصوم الماس

2020/5/25

الجيش الأبيض

الجيوش في الوطن ألوان
ولكل جيش وقت وميدان
وبتوع الجيش الأبيض
جالهم ويانا زمان
فيروس ملعون سرق الأمان
خللي الكل هب وبان
والثوب الأبيض صار عنوان
لجل ما يحموا منه الإنسان

بان الفالصور م الذهب
والخاين اللي اتسحب
ابن الأصول جنب المريض قام
لما عجز يحميه عليه انتحب
ماهو فيروس جبار
لسه في أول المشوار
وابن الأصول له مغوار
لجل ماييجي يوم الانتصار

ملايكة رحمة بجد
ولازيهم يطلع حد
شالوا الروح ع الكف
وكانوا له بالند
اللي جنب المريض واقف
واللي في المعامل عاكف
والكل بيجري ويحاول
والفيروس عمال بيناكف

وف كل يوم شهيد بنودع
والكل واقف عنيد بيبدع
وسط الموت موجود

وبعلمه ويا المريض بيجدع
ربك كل الخير يجزيهم
شالوا الوطن
جوه عنيهم
ودعوا كثير م الحبايب
وشعارهم
المرضي عنينا ليهم

2020/6/10

نزول العدد

اوعي نزول العدد يخدعك

لسه كرونا

موجود يصرعك

لازم دايما تبقي حريص

موت الحبايب منه يوجعك

2020/7/30

عنيد

ابن كرونا
فيروس عنيد
الأعداد راجعه
تاني تزيد
الزم حدودك وياه
خلي أيامك كلها عيد

2020/8/12

اوعى تنساه

خليك فاكر
خدم الحبايب كام
والجيش الأبيض
في الأمام
فرسان وحبائب غاليين
ابن كرونا القاسي
خدهم قوام

والناس البركة الغاليين
لما راحوا
فاتوا القلب حزين
آخر أيامهم كانت قاسية
من حنة فيروس لاعين
اوعي تقول الأعداد بتقل
لسه الفيروس دا
عنده غل
خليك دايمًا منه حريص
خليها تعدي وترجع فل
اوعي ترجع تحضن وتبوس
ولا انت مخذتش منه دروس
راجع تستهتر تاني
دا خللي العالم

منه مهووس
ويا الفيروس اوعي تتهاون
دايما نفسك خليك صاين
في الزحمة
كمامتك متسيبهاش
وف أي خطوة منه عاين
خليها تمشي بقي الحياة
وكفاية اللي قلت عليهم آه
ولحد ماربك يأذن ويروح
اوعي عمرك يوم تنساه

2020/8/19

عودة صلاة الجمعة

لما قالوا الخبر وذاعوه
الحزن راح من ع الوجوه
الجمعة
راجعة تاني
بلغوا المؤمن وفرحوه
القلب كان دامع
والرب كان سامع
للرجا باللمة تاني
بالجمعة في الجوامع

يامحلا عيد المسلمين

لما كنا

بنقول آمين

ع المثنائي السابعة

والايدى لله

مرفوعين

يارب الكون

يارحيم

كن في العون ياعليم

وارفع عنا الوباء

وارزقنا بجنة النعيم
خلي بيوتك
لينا مفتوحة
من غيرها الدنيا
ملووحة
وبنشعر فيها بكل سعادة
وقلوبنا بتفضل مشروحة
مين غيرك
يا كريم يكرمنا
مين غيرك يا رحيم يرحمنا
م الوباء والبلا
من أي شرور بيصونا
2020/8/20

وانت رايح تصلي

سبحان اللي ادي الأمر برفع بيوته

والمؤمن

الصلا فيها ماتفوته

ويعظم فيها اسمه

لو ماشي وماسك

بايديه نبوته

وأهي رجعت تاني تفتح

وقلوبنا رجعت تفتح

وبندعي لرب الكون

الفيروس دا يكسح

وانت رايح
لجل تصلي الجمعة
افتكر كام مرة سالت دمة
لما اتقفلت
كل الجوامع
والدنيا شاهده وسامعه

وابن كرونا طايح
في الناس
ومظأطط الملعون الخناس
فاكرها جات له ع الطبطاب
عامل وياخوانه أعراس

بس المؤمن مترحش
وياه مكره مبينفش
ع البلا يفضل صابر
وبذكر الله مبيفلحش

خد وياك السجادة
دامش حرص زياده
ابن كرونا لسه حويط
خوفك ع الصحة عباده

واتوضي
قبل ماتروح
تبعد ع الفيروس الروح
لجل ماترجع ثاني جروح

مش محتاجه منه شروح
واوعي تنسي الكمامة
فيها ليك السلامة
خللي الفيروس يحتار
لجل ماتبقي الندامة

2020/8/25

جرالكوا ايه

جرالكوا ايه يا ولاد

مصر الطيبين

بقيتوا ليه

للفيروس كذا ناسيين

ونسيتوا خلاص الاجراءات

وفي الزحمة دايمًا محشورين

2020/10/12

الاجراءات

ابن كرونا مخلي العالم لا يص
متخلوش الاجراءات
في الهجا يص
لومش حتفوقوا و تاخذوا بالكوا
الفيروس في الموت
حيكون هايص

2020/10/20

أقوي الدول

أقوي الدول الفيروس

بهدلها

والموجه التانيه

عامله عمايلها

وانت رجعت تبوس وتسلم

وف وسط الزحمة وبتغنيها

2020/11/4

المصل

قبل ماتفكر
في المصل
وكونا يحطك ع النصل
ماهو فيروس ملهوش مثل
فكر في السبب والاصل
لجل مايفضل للصحة الوصل
أفضل م الوقاية متلاقيش
هيه الحكاية وهيه الفصل

2020/12/5

الشاعر في سطور



ابراهيم ابراهيم بصله
من مواليد قرية مليج مركز
شبين الكوم القرية التي
أنجبت الشاعر محمود غنيم
الشاعر حاصل علي
بكالوريوس الكفاية الانتاجية
من جامعة الزقازيق

عمل أخصائي متابعة ومفتش مالي
وإداري بديوان عام محافظة المنوفية
كما عمل مديرا لمركز إدارة الأزمات
والكوارث بديوان عام محافظة المنوفية
عضو اللجنة القومية لإدارة الأزمات
والكوارث بجمهورية مصر العربية ممثلا لمحافظة
المنوفية

خلال دراسته بالمرحلة الثانوية كان أمين
اتحاد طلاب محافظة المنوفية وعضو اتحاد طلاب
الجمهورية

الشاعر عضو نادي الأدب بمحافظة المنوفية
عضو رابطة الزجالين وكتاب الأغاني
- تم تكريم الشاعر من رابطة خريجي الجامعات
- كما تكريمه من جريدة عيون مصرية
- تم تكريم الشاعر من جمعية الشبان
المسلمين بالمنوفية لمشاركة الفعالة المناسبات
الوطنية

تم تكريم الشاعر من الاتحاد الدولي
للصحافة العربية لجهوده في خدمة الوطن والأمة
العربية

كما تم تكريم الشاعر من الإدارة التعليمية
بشبين الكوم لجهوده في برامج التوجيه الجمعي
الكتب المنشورة :

صدر للشاعر ديوان ازرع حب 2011

ديوان ترانيم في حب الوطن 2019
نشرت بعض من قصائده في جريدة المنوفية وجريدة
المصري اليوم واذيعت باذاعة صوت الشباب وصوت
الدلتا بجمهورية مصر العربية
للشاعر تحت الطبع:
- نبضات وآهات قلب
- نفوس من البشر
- رسالة شهيد
- تجليات مع أسماء الله

محتوى الكتاب

- 2 بطاقة الكتاب
- 3 المثالية الجامحة
- 3 المبدع لا ينتمى
- 4 فوز مستحق لمبدع كبير
- 5 من أهم المسابقات فى الوطن العربى
- 6 إهداء
- 7 إوعى تخاف
- 13 غرك علمك
- 14 مساجد مصر
- 15 لما قال المؤذن
- 16 لو لسه بتستهتر
- 17 ساعد نفسك
- 18 يا اولاد مصر

19		حط الروح
20		الرسول والحظر
24		لوبيحب
25		ان كنا ضلينا
26		ارحم نفسك
27		شهدا الواجب
28		أم الثوب الأبيض
35		شم النسيم
36		وتعيشي يامصر
42		ياولاد بلدنا
43		القرار
44		اتعلموا الأدب
48		تسليم البحث
49		حتفوقوا امته
50		مش همك

51	 العيد
52	 وقت الشدة
53	 الجيش الأبيض
57	 نزول العدد
58	 عنيد
59	 او عي تنساه
62	 عودة صلاة الجمعة
65	 وانت رايع تصلي
69	 جراكوا ايه
70	 الإجراءات
71	 أقوى الدول
72	 المصل
73	----- الشاعر في سطور
76	 محتوى الكتاب